



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-430-3/22**
Datum: **26.09.2022. godine**

«Agencija za vodno područje rijeke Save» Sarajevo, rješavajući po zahtjevu pravnog lica „ELEKTRO-AGENT“ d.o.o. Tuzla, za izdavanje vodne dozvole za ispuštanje tehnoloških otpadnih voda iz proizvodnog objekta (hala za plastificiranje, hala za farbanje i mašinska radionica) izgrađenog u naselju Bukinje, Tuzla, na osnovu člana 121. stav 3. Zakona o vodama («Službene novine Federacije BiH, broj 70/06») i člana 218. Zakona o upravnom postupku («Službene novine Federacije BiH», broj 2/98, 48/99 i 61/22), d o n o s i

ZAKLJUČAK

Odbacuje se zahtjev podnesen od strane pravnog lica „ELEKTRO-AGENT“ d.o.o. Tuzla, za izdavanje vodne dozvole za ispuštanje tehnoloških otpadnih voda iz proizvodnog objekta (hala za plastificiranje, hala za farbanje i mašinska radionica) izgrađenog u naselju Bukinje, Tuzla, na zemljištu označenom kao k.č. broj: 726/4 i 724/3 K.O. Bukinje, zbog nepotpunosti dokumentacije te se smatra da zahtjev nije ni podnesen.

O b r a z l o ž e n j e

Pravno lice „ELEKTRO-AGENT“ d.o.o. Tuzla se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda iz proizvodnog objekta (hala za plastificiranje, hala za farbanje i mašinska radionica) izgrađenog u naselju Bukinje, Tuzla, na zemljištu označenom kao k.č. broj: 726/4 i 724/3 K.O. Bukinje.

U provedenom postupku, uz zahtjev za izdavanje vodne dozvole dostavljena je slijedeća dokumentacija:

- Popunjen obrazac zahtjeva za izdavanje vodne dozvole.

Uvidom u dostavljenu dokumentaciju uz zahtjev utvrđeno je da zahtjev nije podnesen u skladu sa odredbama Zakona o vodama («Službene novine Federacije BiH», broj 70/06) i Pravilnikom o sadržaju, obliku, uvjetima, načinu izdavanja i čuvanja vodnih akata („Sl. novine FBiH” broj: 31/15, 55/19, 41/20 i 63/22) te da uz zahtjev nije dostavljena dokumentacija potrebna za odlučivanje.

U skladu sa utvrđenim činjeničnim stanjem, Stranka je dopisom, broj: UP-1/21-3-40-430-2/22 od 30.08.2022. godine, pozvana da izvrši dopunu podneska sa neophodnom dokumentacijom i to:

- Ovjerena kopija rješenja o registraciji privrednog društva,
- Ovjerena kopija rješenja o dodijeljenom identifikacionom broju,
- Kopija rješenja o okolinskoj dozvoli / Potvrda da za predmetni objekat nije potrebno ishodovanje okolinske dozvole,
- Kopija rješenja o odobrenju za građenje,
- Kopiju rješenja vodnih akata ranije izdatih za ovaj objekat,
- Dokaz o uplaćenju upravnoj i administrativnoj taksi. Administrativna taksa u iznosu od 70 KM uplaćena u svrhu izdavanja vodnog akta na račun br. 102-050-00001066-98, vrsta prihoda 722112, primalac Budžet F BiH,

- Projektna dokumentacija za predmetni objekat (glavni projekat ili izvedenog stanja ukoliko je tokom izvođenja došlo do odstupanja u odnosu na projektnu dokumentaciju na osnovu koje je ishodbvana građevinska dozvola / upotrebna dozvola),
- Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12).
- Rješenje o okolinskoj dozvoli izdato od strane nadležnog organa.

Obzirom da stranka, u roku do izdavanja ovog Zaključka, nije izvršila dopunu podneska u skladu sa dopisom broj: UP-1/21-3-40-430-2/22 od 30.08.2022. godine, saglasno članu 121. stav 3. Zakona o vodama i 218. Zakona o upravnom postupkuriješeno je kao u dispozitivu zaključka.

Pouka o pravnom lijeku

Protiv ovog Zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 dana od dana prijema ovog Zaključka.

Žalba se podnosi neposredno pismeno, usmeno na zapisnik ili preporučeno putem pošte ovoj Agenciji i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

**Po ovlaštenju
Rukovodilac sektora za izdavanje vodnih akata**



Haris Ališehović, dipl.ing.građ.

Dostaviti:

- „ELEKTRO-AGENT“ d.o.o. Tuzla, 21 Decembar br.10., Bukinje, Tuzla
- AVP Sava ISV-Vodna knjiga,
- Sektor 40-arhiva
- Oglasna Tabla AVP Sava Sarajevo